

Concierto 'Un regalo di gratitud: P'Abo so ...Padu'

Diadomingo 27 di April a tuma lugar den Cas di Cultura e concierto 'Un regalo di gratitud: p'Abo so... Padu', na ocasion di hacimento di aña di Padu del Caribe. Cu cooperacion di Cas di Cultura y generosidad di e artistanan cu a participa a logra realiza e proyecto aki. Tur artista a regala nan tempo y profesionalismo interpretando piezanan di Padu del Caribe. Comision Lampeiana cu a organiza e evento, kier gradici di curazon nos musico- y cantantenan cu a contribui na e atardi inolvidabel aki. E atardi di canto y musica, compone y aregla pa Padu del Caribe, a cay na agrado di tur presente y hasta a pidi pa mas di e tipo di concierto nan aki. Un momento special tabata ora Padu mes a canta un parti di su wals tan conoci 'Abo so'. Comision Lampeiana ta gradici specialmente maestro Rufo Odor, Tica Giel, Victor Camacho, Albert Croes, Catherine Provence - Hanrath, Rob Rijnbout, Grupo vocal Melange, Etty Toppenberg, Jonathan

Vieira, Maybelline Arends - Croes, Edwin Abath, Arlenne Wever-Croes, Rachel Kraaijvanger, Victor Samuel, Miguel Genser, Gilda Fernandez, Angelique Janssen, Mandy Villasmil, Armando Villasmil, Ebby Peterson, Gerrald Martes, Mario Middendorp, Papito Rafael, Joan Hart, personal di Cas di Cultura y Des Croes di Biblioteca Nacional Aruba. Tambe un danki grandi na Persey Jeandor, cu a fungi como un tremendo maestro di ceremonia; tambe na Fantastic Gardens pa nan aporte y na Aytron Tromp pa su bunita potretnan. E anochi aki, ofreci como un regalo di nos comunidad na Padu, a mostra e poder di nos cultura pa uni nos den canto y musica pa celebra loke ta di nos tur. Un gradicimento profundo ta bay pa Padu del Caribe cu a regala nos asina hopi di loke awendia ta forma parti importante di e cultura Arubano. Comision Lampeiana ta existi di: Livio Hermans, Persey Jeandor, Vivian Lampe, Johnny Croes, Irais Sankatsing-Nava.